

中國地方志集成

寧夏府縣志輯 ②

民國朔方道志(一)

鳳凰出版社 ● 上海書店 ● 巴蜀書社

朔方道志序

朔方名稱至古詩所謂王命南仲往城于方方朔方也漢統於北地郡分治之處是曰寧夏寧夏之見于史此爲權輿經魏晉隋唐迄今迭置郡縣民國三年復改甯夏郡爲朔方道公羊傳名從主人至是始還其舊矣其地左河右塞形勢險固屹然西北重鎮風俗敦龐物產闐溢鹽池石油天然之利淵嶽雄深代生偉人文德旣懋武功特著宜乎志乘流傳炳焉煥焉自明藩慶靖王勗修朔方志于前乾隆朝張守金城續修甯夏府志于後當時董其役者何嘗不撫採故實網羅散佚蔚爲一代成書兵燹洊更殘闕失次致使采風之使攷古之儒不免感歎于杞宋無徵文獻不足余用滋懼癸丑歲以護軍使兼甯夏將軍駐節鄉邦俯仰今昔廢興之陳迹爽然有懷乃亟商之道尹陳君必淮設局纂修

功未及竟余旋調綏遠都統幸從子鴻賓繼任鎮使猶得與陳君賡續
不懈一時局中在事之員亦能殫心經營初終無間舊志之所不備則
採新通志以輔之又雜取他書以參證之書成名之曰朔方道志計分
類者十分卷者三十有二經始于丁巳告藏于丙寅首尾十年用力可
謂勤且瘁矣而於百數十年之後復值灰燼廢壞之餘所見異詞所聞
異詞所傳聞又異詞其僅有可考者補苴掇拾略大概已耳謂能詳慎
無遺備一方之掌故匪惟諸君子之所不敢自信抑亦余所躊躇却顧
而不能不深望於後人之摘其疎謬增益而訂正之也

中華民國十五年丙寅夏歷六月望日馬福祥書於京寓



朔方道志序

粵稽上世王朝有書列國有紀載筆有官所以觀風而問俗也迨至後代事更加詳國有史家有乘而一省一郡一邑莫不有志焉以誌其事志之義詳矣寧夏古爲朔方郡星分井鬼地接蒙疆居塞北而號江南背賀蘭而面黃水萬山聳翠百派匯流以故晉之勃勃唐之師都宋之元昊胥欲竊此以自逞焉洎夫有明套虜屢犯烽臺之置邊牆之築防範幾無虛日前清懷柔得宜夷情帖服至我民國各旗軍務均歸節制始不啻胡越一家矣溯自明藩慶靖王勅修朔方志後巡撫王珣楊守禮楊應聘相繼續修年湮代遠書皆失傳致數千年之流風善政文物典章若存若沒殊可惜矣清乾隆四十五年郡守張公金城續修寧夏府志秉筆者爲朔邑進士楊君子瀛窮源竟委考核精詳兵災之餘亦

鮮完帙迄今又一百三十餘年矣雖山川猶是風物依然而其間建置
官師之異賦稅教養之殊人文武功之代興忠孝節義之間出歷年既
久半卽銷沉民國肇興制度更易府州之稱謂已非兵官之體制又別
當此改革之時代猶忍令杞宋之無徵以後雖有好學之士稽古之儒
恐亦徒費漁郎之過問矣民國丁巳護軍使馬公雲亭道尹陳公三洲
殷殷焉以修志是亟聘翔邑舉人吳君心齋以主任之未幾吳君物故
其事遂寢甲子之臣重遊來寧時馬公已調任綏遠都統陳公以之臣
前在靈州續修州志頗能耐勞商鎮守使馬公子寅命之以繼其任檢
閱前稿半係照抄前清光緒季年所修甘肅通志其自宣統至今多未
之及不無闕點竊思志體郡與省不同一省事緒甚繁自應刪蕪就簡
一郡事務較少惟恐語焉不詳特未可以文獻無徵糅雜夫行間字裏

此郡志之體也劉君鶴泉深以爲然復經梁君善卿馬君子良照擬修志目錄從新調查於甲子五月朔日設局治事夫志史事也自非才大學博且能洞悉夫地方之人情風俗何敢率爾操觚况寧夏邊塞之區藏書既寡兵燹之後擋卷盡亡各屬志乘如朔邑之朔方志稿靈州之續修志稿非缺卽遺中衛志修自道光後此亦未續修鎮戎鹽池志剏修伊始亦只言其大略此外如寧夏平羅金積則未之聞焉人往風微抱殘守缺蟻負千鈞其有不躓且顛者鮮矣所賴吳孝廉心齋倡之於前劉鶴泉楊葆卿諸君子勸之於後從開闢修起訖於民國十四年以舊府志爲主新通志爲輔並參考他書暨新採訪以增益之分門別類正譌訂訛閱十九月而功始竣成書三十二卷以前明迭修朔方志且寧夏近改朔方府已改道因名之曰朔方道志雖然之臣竊有說焉孟

子述孔子之言曰知我者其惟春秋乎罪我者其惟春秋乎孔子作春秋以非在位而擅褒貶其意因未自安也此固非所比倫然以局外而參局中之議且從百餘年之後而欲續叙百餘年以上之事其中之是非非善善惡惡而謂胥能得情理之正且無遺軼之虞可備邦人士之徵信焉此亦非之臣之所敢必而理得心安者也知我罪我又不禁誦孔子之言而翻然悔惕然懼矣是爲序

民國十四年乙丑夏歷良月朔日

五等金質單鶴章前任命鹽池縣知事楚瀉王之臣敬書

舊寧夏府志後序

寧夏乃漢朔方地闢土舊矣而前世紀載無成書明藩慶靖王始爲朔方志越宏治辛酉巡撫王公掬修之郡人胡大司馬汝礪筆也其後嘉靖己亥巡撫楊公守禮重修管給諫律實主其事萬歷丁巳都御史楊公應聘又修楊主事壽裁訂焉皆郡人也自是而後續者無聞天崇之間僅編奏記數篇國朝順治初唐采臣先生以戶部主事督餉來此得遺文數首因與中丞黃公奏議附刻於後朔方舊志如是而已乾隆癸酉寧夏道定州楊公有志欲新之未成而罷其後太守新安王公甫議修舉以調任去又其後朔邑令長沙周公爲朔縣志稿就未刊亦以遷任去嗚呼何其事之難如斯耶豈其一書之成亦自有待於其時與其人而不可強者耶今太守公任事之三年政通人和百度修舉爰及斯

志命雲等相與編纂而公裁定焉舊志之繁詳本朝之制度稽之列史以補缺漏衷之通志以一體裁徵考之於案牘以著因革之由採詢之於閭閻以彰幽隱之跡於是一州四邑方數千里之地二百餘年間之事披卷瞭然可指諸掌矣夫寧夏自震災後故家藏書世牒與鄉先賢之撰述灰燼之餘十不存一使早得搜羅於數十年之前必尤有炳如蔚如可觀者然使非遇太守公卓識宏材毅然構此更聽之數十百年後并今紀錄且泯滅不可考此亦勢之必然者然則太守公此舉其於我寧文獻爲功豈淺鮮哉抑雲更有感焉憶雲始受書即聞諸先輩以郡志不修爲憾定州楊觀察始創修時先伯父信菴以明經與參訂長沙周邑宰修朔邑志又委之以採訪而二書皆不就今荏苒二十餘年雲得沐太守公雅化復與編輯續先人未竟之志而卒覩此書之成附

名其間且感且愧因述其源委贅於簡末用以見斯書之成實有待於
我太守公既爲邦人慶並以志私幸於無窮也王宋雲謹跋

好太宰公烈為漢人與並以志歸幸勿辨強出王宋之難則
各其間且知且歸因並其疏委贊領而宋田以良漢書之別其言分

修志銜名

主修

一等大綬文虎嘉禾章陸軍上將銜勳二位西北邊防會辦馬福祥

二等大綬文虎嘉禾章上大夫銜翔方道道尹陳必淮

監修

二等大綬文虎嘉禾章陸軍中將勳四位寧夏鎮守使馬鴻賓

纂修

五等金質單鶴章前任命鹽池縣知事王之臣

前纂修

清舉人前夏翔縣議會議長吳復安

幫纂修

清貢生考試職員前夏翔議會副議長劉振清
清舉人寧朔縣初級中學校校長楊泰
同纂修

清寧夏駐防協領鎮守使多署書記官景琪
清貢生師範學校兼中學校校長徐宗孺
清貢生師範學校兼中學校教員許景魯
清拔貢師範學校兼中學校教員鄧雲路
清貢生前省議會議員喬熙
清拔貢補用州判前夏翔縣議會副議長李斌
清拔貢蔡之璧
調查

清拔貢前夏翔縣議會議長梁生祥

清附生前夏翔縣議會副議長馬德

清貢生漢延渠局長于鎔

清補用游擊惠農渠局長吳成基

採訪

清 附 生 王 本 立

清 附 生 李 培 源

清舉人朗察

清附生張虎榜

清舉人劉佩

清
舉
人
蔣
飛
熊

清	清	清	清	畢	清	清	清	清	師	師
貢	貢	貢	貢	業	拔	拔	貢	貢	範	範
生	生	生	生	生	貢	貢	貢	貢	學	學
田	李	鹽	鎮	金	前	前	靈	靈	校	校
多	文	池	守	積	靈	靈	武	武	畢	畢
稼	炳	高	使	高	武	武	高	高	業	業
		級	署	級	勸	勸	級	級		
		小	書	小	學	學	小	小		
		學	記	學	所	所	學	學		
		校		校			校	校		
		校		校			校	校		
生	生	長	官	長	長	長	長	長	生	生
田	李	聶	劉	雷	李	李	柴	柴	王	張
多	文	從		金	鳴	鳴	維	維	啓	光
稼	炳	善	炳	龍	光	光	棟	棟	監	普

圖畫

清附生師範學校兼中學校教員黃光質

薦任職大清渠局長殷邦德

翔方道署教育科科員張良桂

繕寫

翔方道署庶務科科員彭鼎

翔方道署實業科科員陳捷助

校對

翔方道署庶務科科員彭鼎

收發

翔方道署財政科科長陳必炎